

Ruta dos Pazos



Ficha Técnica	
Puntos GPS	
Ponte das Cabras	Latitude: 43° 29' 42.5358" Lonxitude: -8° 12' 22.0602"
Pazo Libunca	Latitude: 43° 30' 7.1424" Lonxitude: -8° 10' 44.7522"
Baltar	Latitude: 43° 34' 9.6918" Lonxitude: -8° 12' 44.0784"
Muíño do Vento	Latitude: 43° 31' 21.723" Lonxitude: -8° 13' 13.3566"
Características	
Saída	A Gándara
Chegada	Muíño do Vento
Lonxitude	25 Km. Dous tramos
Duración	8 horas
Interese	Paisaxístico-Arquitectónico
Dificultade	Baixa por tramos
Puntos de Interese	
Colexio de Nosa Señora de Chamorro	
Casona de Mckinlay	
Casa da Cultura. Chalet de Antón	
Casa de Pedra de Grao	
A Torre	
Casa de Freire	
Casa de Román	
Pazo de Nelle	
Casona de verán dos Pita Romero	
Pazo Libunca	
Convento de Balzar	
Muíño do Vento	

Comezamos a ruta na Ponte das Cabras, ó longo da Estrada de Castela AC-862, en primeiro lugar encontrámonos co antigo colexio de *Nosa Señora de Chamorro* situado no número 60, cuxo edificio histórico de estilo rexionalista data de 1931, a súa elegante fachada consta dun

pórtico de columnas, unha balconada e un torreón eclécticos. A poucos metros a man esquerda atópase a casona do militar Mckinlay, a denominada *Vila Consuelo* ten un semisótano, dúas plantas e baixo cuberta.



Seguimos avanzando e na zona do Outo do Castiñeiro, a mesma praza onde se atopa o Concello é o emprazamento do *Chalet de Antón* acomodado como Casa da Cultura.

Continuamos pola Estrada de Castela ata Piñeiros e alí podemos vela *Casa de Pedra de Grao*. Máis adiante vamos a descubrir un grupo de casonas de labranza que conservan o enreixado de ferro fundido do *Pazo de Casal*, xa desaparecido. *A Torre* é a seguinte casa que atopamos nesta ruta, o seu torreón almenado e as súas galerías marinas recórdannos ós pazos señoriais.

Na parroquia de Xuvia dúas casas máis súmanse á lista, son a de *Freire* e a de *Román*, a cal foi construída a finais do século XIX e o seu estilo arquitectónico representa o románico francés.

A partir deste punto as distancias entre as singulares construcións ampliáanse de forma considerable polo que unha fabulosa opción sería optar polo cicloturismo para realizar este tramo. Situarémonos na Estrada de Cedeira AC-113, nas inmediacións da parroquia de Castro

atópase o *Pazo de Nelle*, a *Casona de verán dos Pita Romero* e o *Pazo Libunca*. Especial mención merece o terceiro por ser un dos edificios máis emblemáticos da cidade, esta construción de estilo modernista destaca pola orixinalidade da súa decoración con cerámica levantina e os seus enreixados de ferro. O seu pórtico loce columnas neoclásicas e o seu encanto



non só reside na beleza do seu estilo arquitectónico se non que ademáis se ve rodeado dun paraíso de cores nos seus xardíns, árbores centenarios, estanques e fontes completan o conxunto. Este pazo, hoxe convertido en hotel de catro estrelas, foi construído polos Montenegro no ano 1918.

Para a próxima parada deberemos situarnos na Estrada C-546, Ferrol-Valdoviño por Meirás, á altura do noso paso pola parroquia do Val atopamos sinalizado o desvío que nos conduce a través dunha pista ao *Convento de Baltar*, situado a 600 metros aproximadamente. Aínda que reconvertido en convento claretiano en 1914, nos seus inicios este pazo foi construído no século XVI para o goce dos marqueses de Lago-San Sadurniño, cuxos herdeiros doárono aos Misioneiros Claretianos en 1910. En derradeiro lugar e non por iso menos espectacular, de regreso pola estrada C-646 en dirección a Ferrol, deixando atrás as instalacións militares, podemos ver a man esquerda o pazo do *Muíño do Vento*, chama a nosa atención o muíño circular dentro dunha construción amurallada e o palomar. Este interesante edificio conserva a escalinata de pedra xunto cunha chimenea típica.